

宋朝大詔令集

宋朝大詔令集卷第九十四

將帥

賞功

曹彬宣徽南院使義成軍節度使制

正統五年丁巳

策勲欽至春秋之格言褒德賞功國家之盛典其有董齊軍旅戡定
土疆爰念勤勞宜加寵數內客省使曹彬夙聞詩禮頗厲忠貞沈厚
有謀強明善斷久踐軒墀之列彌堅金石之誠昨者問罪巴庸分兵
變峽護其戎事督彼征行奉辭統王者之師制勝曉兵家之法而能
動遵成算不犯秋毫有次公撫士之方無陳平受金之誘古之良將
何以加焉是用不次推恩即時懋賞俾升近列仍嚴大藩內隆三接
之知外總十連之柄於戲無德不報宜保於今名作善降祥勉思於
自勅服我休命汝其欽哉可特授宣徽南院使行滑州刺史充義成

軍節度使

李延渥遷團練使詔元祐六年十月丁巳

昔漢祖思得猛士以守四方蓋以知防秋倚邊國之重事干城禦敵勞而必圖賞不踰時人乃知初西京左藏庫使知瀛州軍州事李延渥遷於近職出守塞垣屬口口之無厭率控弦而入寇長圍孤壘急擊彌旬延渥勗勵興師鳩合衆力親當矢石固守金湯大剋光梁武保生聚懋功進秩朕何怯焉可本州團練使

曹利用進官詔景祐元年十月丁亥

國家推大信於萬方來達人於四裔輜軒將命允謂雖才儻中專對之能必加非次之命殿直閭門祇應曹利用單車奉使出境會盟阮文遠國之歡實稱行人之職息民繼好爾勞居多願惟寵章豈限彝等可金紫光祿大夫檢校尚書左僕射使持節忠州刺史兼御史大

夫上柱國東上閣門使

姚雄授正任防禦使制

河運使秦州刺史知州元符三年四月

勅朕於人之勞雖微必錄矧能立功羗戎底定一隅可無寵光以示
獎勅爾勇毅謀略兼人所長隴右之役深入其阻摧堅獲醜所向無
敵克服異類完師而歸數最較多爾居其右正禦侮之使號仍洮西
之閫寄是為異數服我恩榮可

涇原路修築大都臨羗寨西安州种建中已下轉官制

勅漢唐故疆復為王土修列堡障疏鑿湟池版築告成不愆于素爾
等經度董督咸與有勞元帥以聞宜示勸賞進官一等各懋爾功可

高昌言等轉官制

元符三年五月丁亥

勅頃以羗戎偪厥侵擾邊陲間命偏師震威塞外高昌言等風懷志
勇斯復有勞特進厥官用勸邊吏服我休命益懋乃功可

東頭供奉官李志等轉官制五月辛卯

勅朕圖疆場之功常以靜勝為優斬獲為下顧如爾等立效西陲實
在前日第勞行賞則有舊章其性自今當體朕意可

客省使劉安等賞功轉官制元符三年六月

勅為國秉塞爾不顧身惟帝念功朕豈愛賞劉安等忠義自信驚勇
有聞統領甲兵親冒矢石上功幕府震威氏羗時厥戰多錫茲寵數
口膺懋渥益茂厥忠可

洛苑使麻宗永等賞功轉官制

勅聞斥王土控制羗戎相示山川建置堡障版築告畢不愆于期有
司第功爾勞應賞進官一等時惟茂恩益罄乃忠以圖報效可

童貫進檢校太尉移鎮武信軍節度加食邑實封元符三年九月二十

門下柔遠能通聖人所以保安民之功戢兵豐財先王所以為經武之寶眷予宿將蔚有成勞矧將命之甚勤豈疇庸之可緩式疏褒典誕告明廷中太一官使奉寧軍節度鄴州管内觀察處置等使檢校司空持節鄴州諸軍事鄴州刺史提舉龍德宮熙河蘭湟秦鳳路宣撫使上輕車都尉鴈門郡開國公食邑二千三百戶食實封五百戶壹貫謀略精深材資敏達志純夙著雅推心膂之良智勇自將久寄爪牙之任威名憺於夷俗誠節簡於予衷有開疆拓地之庸公有足國裕民之至計比將使指徧撫邊陲出不踰特憲無愆素言皆底績寔寬兩顧之憂事不辭難克稱忠權之重頃揚綸制力抗封章尤高謙挹之風益顯靖共之操是用併疇嘉蹟特侈崇進掌武之崇階易遂寧之巨鎮陪敦多邑載衍真祖以昭懋賞之功以示勸能之厚於戲內外無患既先烈之彌光輕重賦功宜明恩之甚渥尚欽眷獎

茂對罷林可特授檢校太尉持節遂州諸軍事遂州刺史充中太一
宮使武信軍節度遂州管内觀察處置橋道等使依舊提舉龍德宮
熙河蘭湟秦鳳路宣撫使加食邑五百戶食實封貳伯戶勲封如故

童貫移鎮武信軍節度使加食邑實封制二月初四年十

門下賞必賦功分闕特專於制節爵以馭責本兵實亞於樞衡眷言

心膂之臣久委爪牙之任易藩巨鎮置使殊庭肆疇邑戶之多用侈

勳勞之大載賜詔綵教告朝紳太尉武信軍節度使充中太一官使鴈

門郡開國公食邑四千戶食實封壹千壹伯戶童貫智略沉雄器模

宏達挺忠君之操密侍禁嚴懷經遠之謀助綏血裔徃共武服屢奏

膚公來旬來宣燕及臯蘭之境于疆于理誕延積石之區溪北蒸義

以願文河右畏威而效順寬我西顧念茲戎功遠歎附之貢章屬司

存之訖事更彭門之奧壤仍掌武之崇資衍食幹封兼華真館有蕃

物米增耀龍光惟時顯庸服我異數於戲方叔泣止克壯其猷召公告成用錫爾祉圖稱朕命益膺乃心可

童貫檢校少保開府儀同三司護國軍節度使制

政和六年九月三十日

門下朕經武以綏萬邦信賞以勵群辟有懷寧考不忘疆場之虞肆命信臣爰整干戈之衛總護諸將屢奏膚公誕揚猷告之言罷錫勞還之禮太尉武信軍節度使充中太一宮使直宣和殿陝西河東路宣撫使鴈門郡開國公食邑四千五百戶食實封壹千叁百戶童貫直方莊重敦厚裕和器任大而容謀經遠而克斷東志自奮內宣心膂之勤仗義不回外著爪牙之助頃膺中詔往撫西陲事靡辭難言皆底績出入詔鈴之略縱橫帷幄之籌日百里以開疆新城列峙月三提而獻馘狂敵殄殲招來遁逃懲革姦矯遠恙人請命四裔鄉風茲聆奏愷之音爰舉疇庸之典視秩上宰聊哀繡之盛儀易節雄藩

峻旄虎之寵寄名進二公之責封陪多戶之優凡厥恩章時惟褒律
蔽自朕志協于師虞於戲吉甫以伐玁狁之功來歸自鎬召公以平
淮夷之美告成于王迺春壯猷無愧前哲往綏祉福豈俟訓言可特
授檢校少保充護國軍節度使開府儀同三司依前中太一宮使加
食邑五百戶食實封叁百戶差違封如故

貶責

責田仁朗詔

維熙二年
四月庚寅

判四方館事田仁朗任寄腹心職居近侍昨因戎卒騷擾邊陲令總
師徒往中平蕩而稽違詔旨註誤軍謀畏懦不前張皇邊事遂使腥
口口口敢搖毒傾陷我城堡俘掠我吏民斃寇長姦實由於爾敗
吾師律合真嚴誅尚念常侍軒墀久經歲月屈於朝憲伸我私恩勉
懷思過之心以荷曲全之惠可責授商州團練副使令御史臺遣吏

監送赴任

推治曹彬等失律罪詔 雍熙二年六月戊午

天平軍節度使曹彬河陽軍節度使崔彥進侍衛親軍都指揮使彰化軍節度使信沙州觀察使杜彥圭內客省使武州團練使郭守文日騎天武四廂都指揮使雲州防禦使傅潛亳州刺史蔡玉光州刺史陳庭山文思使儒州刺史薛繼昭等昨者付以兵權授之成算據其事勢決合成功而乃逗留略無規畫挫士卒驍勇之氣長口口桀黠之心國有常刑固當推鞠宜令翰林學士賈黃中右諫議大夫雷德驥知雜李巨源詣尚書省推治之

責曹彬等論中外詔 雍熙三年七月庚午

夫有功必賞有罪必懲所以敦大信於域中示無私於天下為邦之要何莫由斯天平軍節度使曹彬等位重藩侯職司戎律委齋壇之

重寄絕禁衝之雄師授以成謀委之邊事乘拉朽摧枯之勢之應橫
制勝之謀發言各率於心胸臨敵殊殊於端略遂使七十州生聚困
於饋運之勞二十萬師徒翻作遷延之役沮武旅之銳氣長口口之
姦謀復念山後之民制乃口口喜玉師之致討皆南面以宅心及聞
軍旅之旋多罹荼毒之禍致人於此職汝之由不寘刑章焉明沮勸
載閱措紳之議合從斧鑕之誅特示寬息聊從薄誣曹彬已下並別
勅處分朕昨者興師動衆伐罪弔民上順天心下從民欲非謂貪其
土地樂在佳兵誠以念彼生民陷於異域豈期擇帥有味知臣致此
喪師寧忘自咎其臣僚將校有沒於軍陣或陷於寇戎者宜加優恤
錄其子孫應諸道州府百姓有運糧不回者令給復二年仍賜其家
粟三石

青藩美制 雍熙三年八月辛亥

忠武軍節度使檢校太師潘美位處殿邦任隆分閫總統貅之旅執金鼓之權昨以雲朔吏民不忍委之口口敵國因令而從得其率兵援之而道路非遙軍士亦衆不能申明斥候謹設防陷此生民失吾驍將據其罪戾合置嚴誅尚念久在邊陲累分憂寄爰中念舊特示從輕可削三任為檢校太保

王侁劉文裕除名配金登州制 雍熙三年八月辛亥

西上閤門使蔚州刺史王侁軍器庫使順州團練使劉文裕等卑膺任使久倚軒墀昨出師後伴其監護固合明宣紀律勤協機宜而乃墮撓軍謀寔辱將領無公忠之節有狠戾之愆違衆任情彼前我却失吾驍將陷此生民合塞群情抵於嚴憲特從寬宥止隸方州侁可除名配金州文裕可除名配登州

削奪劉廷讓官詔 雍熙四年十月丙午

左驍衛上將軍劉廷讓位居上將任處邊城兼統帥之權制彼寇
戎之境而乃擅離任所輒赴京師不畏憲章頗孤寄委有司議罪當
在極刑特從寬貸之恩止降削除之命所宜自省知此優恩宜削除
在身官爵送商州安置

削奪傅潛張昭允官爵詔咸平三年正月乙酉

昨以引兵之黨入寇邊封爰擇武臣救之兵柄而鎮定高陽關三路
行營都部署侍衛馬步軍都虞候忠武軍節度使傅潛都鈐轄西上
閩門使富州刺史張昭允遷延不戰畏懦偷安縱蛇豕之猖狂抑貔
貅之武怒致其侵軼毒我生靈責帥之文德章斯在訪於群議合寘
嚴誅念其違事先朝屢經驅策特從寬典俾貸微生且並削除在身
官爵潛長流房州昭允長流道州

責楊瓊等詔咸平四年閏十二月丁丑

邠寧涇原環慶州副都部署楊瓊等各奉朝恩外司戎律宜堅志操
式追效攘而畏懦偷安從容養寇縱茲蛇豕寔清城隍乃復毀棄糧
儲燬燒寨柵爰從吏議合置嚴誅特屈常刑止投荒服楊瓊流岷州
副都署海州團練使潘璘流康州鈐轄尚食使李讓內園使馮守規
並流瓊州都監崇儀使張繼熊流儋州西京左藏庫副使劉文質流
雷州如京使順州刺史知環州王懷普流賀州

責王超

詔景祐二年正月戊辰

侍衛馬步都虞侯天平軍節度使王超總握禁兵時推上將一昨戎
人犯塞外屏留也既當督護之權曾之驅攘之効稽違詔旨緩失師
期訖致殘人雅當責即尚念向於行闕曾覽奏章涇血伸誠省躬待
罪尋降矜寬之詔復該赦宥之文特示優容止移藩翰庶保君臣之
分無傷風舊之情屈法推恩竊冀圖後效可崇信軍節度使便道之任

宋朝大詔令集卷第九十四

宋朝大詔令集卷第九十五

軍職一

劉延翰加恩制

門下王者光昭大業肆類上元就陽既謹於嚴禋允膺丕應率上用
均於霈澤諒表寵章其有望重帥壇力扶王室早茂拱宸之績方隆
誓嶽之功宜命加恩式符進律具官劉延翰銜星利器逐電竒蹤閱
禮樂而敦詩書共推良將執干戈而銜社稷金謂純臣勲高而益務
持謙忠懋而惟思効用一昨扈隨鑿路整天仗於圓邱巡撫神京靜
皇居於雙闕萬旅稟如霜之命九衢無出軌之塵予嘉乃勞故有茲
命是用進崇階而馭奇加寶賦以推恩厚增食米之封俾預燔柴之
慶仍改褒功之懿號諒疇竭節之深誠朕之寵綏斯亦至矣爾之忠
蓋無忘勗哉可

米信檢校太傅加恩制

端元年二月十六日耕籍

門下我國家舉百王之盛典興千載之昌期躬祀先農以祈嘉穀歲事於天地社稷寅供於醴醑梁成陟青壇而既畢盛儀迴玉輅而後單虔澤况乎勲舊豈怯恩榮揚于公朝告爾有位忠果翊戴功臣彰武軍節度延州管内觀察處置等使光祿大夫檢校太保持節都督延州諸軍事行延州刺史兼御史大夫上柱國江夏郡開國侯食邑二千戶食實封叁伯戶米信早彰勁節夙膺純誠虎牙標禦侮之材鷲領得封侯之相入參禁衛肅師旅以無詳出摠蕃宣恤黎民而有裕聞玉帳而靜論指略橫琱戈而動著風稜方當行慶之辰豈怯惟新之澤進功臣之美號視帝傳之崇資真寶增榮井田加賦併為優渥足表睠懷於戲加地進律之文我斯行矣勸農勉人之術爾宜勵焉將隆三代之風宜致九年之積舉茲丕訓告爾守臣可

傅潛進開國公加恩制 淳化元年

門下朕自祇膺大寶幸致小康况當元會之辰思布陽春之令上以
答昊穹之眷命下以契億兆之惟心冀與物以惟新爰更鳳曆思法
天而行道勉受鴻名宜率出綽之恩以及拱辰之列具官某神資正
氣天賦純誠威推勇敢之方妙得韜鈴之訣荷風雲之際會益整忠
勤執鞭弭以周旋尤增羽戴爰自握兵禁禦建節藩垣彌彰畫瘁之
誠愈得臨戎之要肆章大慶宜舉徽章進公爵之殊榮益井田之異
數於戲礪山帶河之誓爾既欽承加地進律之文予何愛怯愈宜勵
翼以答寵光可

戴興加恩制 淳化元年

門下朕恭承景命欽若昊天三元推獻歲之辰萬彙應惟新之令順
時行慶允合於大和惟帝念功克符于茂典是降出綽之命用伸加

地之思具官某智合孫吳才稱頗牧稟峒山之粹氣授黃石之奇書
而自擢以將材命之侯爵堅大節而確如金石挺英姿而森若松筠
統我虎統衛予官禁聞夙夜之無懈見始終之不渝勤勞可嘉光寵
何恆是以益其真食增以戶封用旌武衛之勞仍進國公之秩於戲
盡忠者為臣之今範賞功者為國之舊章欽惟稽古之文豈有至心
之愧服我休命爾惟戒哉可

米信依前馬步軍指揮使田重進依前步軍指揮使並進封

郡公如恩制雍熙南郊

門下裡天祀地帝王行昭事之文舍爵策勳將相受時庸之命羽衛
方迴於天伏慶恩尋被於人案其有早陟將壇方司禁旅慷慨立忠
貞之節馳雄成戰伐之勳爰卜剛辰俾膺並命具官米信誠堅鐵石
氣勵風霆八陣成圖洞識孤虛之變萬夫觀政同推智勇之材具官

田重進道合孫吳名齊衛霍轅門示暇威驚射戟之能玉帳論兵不廢投壺之禮加以留心政典宣力邦家張皇我六師佐佑我大禮出警入蹕肅靜而纖塵不飛同寅協恭齊戒而大神來格臣誠若此朕甚嘉之是命併錫恩華咸增壽邑俾易功臣之號仍新馭責之階於戲節鉞之權朝廷所重惟謙和可以保祿位惟信義可以答神明勉思帶礪之言勿墜典謨之訓可

高瓊進封郡公加恩制 淳化四年

門下狀以虔寮寓之混同荷乾坤之佑助屬茲獻歲莫珪璧而禮百神爰擇剛辰降絲綸而寵群后况予信近豈怵恩榮忠果雄勇功臣待衛親軍步軍都指揮使歸義軍節度沙州管内觀察處置等使光祿大夫檢校太保使持節沙州諸軍事行沙州刺史兼御史大夫上柱國渤海郡開國侯食邑一千七百戶食實封四百戶高瓊直氣干

霄丹誠貫日以英雄而自負勵忠孝以立身偶雲龍千載之期居統
虎萬夫之長養勇誓平於勁敵操心自合於神明一昨清廟宿齋紫
壇肆類爾則訓齊禁旅警衛宸居願忠力以尤多在褒崇而豈怙是
用進其公爵益以戶封揚于廣庭告諸有位爾其感茲殊寵益懋奇
功保終始之令猷敦君臣之分更練龍韜之謀略佇圖麟閣之儀
刑服我訓詞永錫繁祉可

王超進殿前都指揮使加恩制

淳化四年正月二十七日

門下稽古前王創業垂統法吳穹之懸象置藩衛之親軍以奉宸居
以威天下揔茲禁旅屬在勳臣殿前都虞候河西軍節度涼州管内
觀察處置押蕃落等使光祿大夫檢校太師使持節涼州諸軍事行
涼州刺史兼御史大夫上柱國琅瑯郡開國公食邑二千七百戶食
實封捌百戶王超天賦韜鈴神清智勇剛毅能斷深沉有謀勇攻戰

之良材契風雲之嘉會自升戎級益勵純誠入則司拱極之嚴出則受殿邦之寄功既高而不伐祿愈厚而能謙戴君若皇天撫士猶赤子向者恭承朝旨暫駐邊方鎮右地而屹若長城東亮節而皎如秋日塞垣罷柝時乃之功朕爰念勲勳特疏罷澤俾踐天兵之將領靡更薄服之節旄功臣併為優渥汝宜祇荷明命昭宣令猷叶贊議於雲臺增警嚴於徽道佩服成訓永孚于休可

戴興如恩制

洋化四十年正月十七日

門下外殿候藩必先於賢傑內嚴禁衛允賴於忠良其有旄鉞分憂遙振撫綏之舉履心是寄久彰訓練之功宜因行慶之辰特授惟新之澤志果雄勇功臣殿前都指揮使定國軍節度同州管內觀察處置等使起復冠軍大將軍右金吾大將軍員外置同正員檢校太尉使持節同州諸軍事同州刺史兼御史大夫上柱國戴郡開國公食

邑二十八百戶食膏封陸百戶戴興珪璋披秀禮樂騰芳籟鈴洞黃
石之書忠孝得神人之助而况早學麟翼奮捧日之純誠仍揔虎能
集拱辰之懿績昨從郊禋之禮頌伸武備之雄得不旌彼勤勞加之
渥澤俾增崇於井賦仍更益於真封爾其衛社彌堅事君愈至垂功
名於不朽保富貴於長年茲為今圖勿墜明訓可

李繼隆加恩制同上

門下朕上奉天休下敷邦教是以朔當獻歲辰孝饗於閔宮心膂之
臣邦國是賴內則訓齊武士仗作帥之才外則藩屏皇家法建侯之
象峻升台位以重帥垣侍衛馬軍都指揮使鎮安軍節度使特進檢
校太傅兼御史大夫隴西郡開國公上柱國李繼隆珠緯純精金方
勁氣智窮韜略學富縑緗蘊孫吳料敵之機有衝霍扞邊之効地臨
勳威志篤謙恭摠護師學已重殿邦之寄兼榮相印用先照載之猷

繫乃宗臣鎮于近輔任踐厥位時惟欽哉可依前檢校太傅同中書
門下平章事陳州刺史鎮安軍節度等使

傳潛檢校太傅移鎮加恩王超檢校太傅移鎮加恩制並

三年四月九日真宗即位

門下將帥之材古今攸重建旌旗而清絕塞出定封疆總絕虎以衛
宸居入親旒宸咸宣武力斯謂殊庸我有將臣宜膺並命志果雄勇
功臣侍衛親軍馬步軍都虞候武成軍節度滑州管内觀察處置河
堤等使金紫光祿大夫檢校太保使持節滑州諸軍事滑州刺史兼
御史大夫上柱國潁川郡開國公食邑四千三百戶食實封一千二
百戶傳潛崆峒挺粹沙漠馳聲善射則雙帶而韃勇戰則獨當一隊
書于青史自負威名忠果雄勇功臣殿前都指揮使河陽三城節度
孟州管内觀察處置河堤等使光祿大夫檢校太保持節孟州諸軍

事行孟州刺史兼御史大夫上柱國琅琊郡開國公食邑四千二百
戶食實封一千四百戶王超鏐石為心風雷作氣料敵則懸知千里
突圍則不限數重盡像凌烟可伴飛將而皆早以自牧常務於謙恭
知無不為因釋於寇難當此纒承之始收其盡瘁之勞明示復恩特
加異數三帥進秋十乘啟行移上地於壁田換節旄於汶水崇階馭
貴奉邑增封分而授之併為戎寵於戲上事先帝已彰佐命之功迨
予冲人更贊守文之運高宮重賞我無怙焉潛可闕

宋朝大詔令集卷第九十六

軍職二

李繼隆高瓊並檢校太傅移鎮加恩制同上

門下周道興隆中伯遂荒於南土漢文續紹宋昌尋掌於衛兵一以
固伯舅之勲一以勸良臣之効朕仰遵遺制復嗣鴻基戰兢若履於
冰淵夙夜思崇其屏翰既得人而斯武俾建社以為宜久叶至公乃
敕明命志果雄勇功臣侍衛親軍馬軍都指揮使靜難軍節度使邠
州管内觀察處置押蕃落使光祿大夫檢校太保使持節邠州諸軍
事行邠州刺史兼御史大夫上柱國隴西郡開國公食邑五千戶食
實封一千二百戶李繼隆文武兼備智勇俱高營平之克定羗戎山
西上將葛亮之自方管樂天下奇才志果雄勇功臣侍衛親軍步軍
都指揮使保大軍節度鄜州管内觀察處置等使光祿大夫上柱國

渤海郡開國公食邑二千三百戶食實封一千戶高瓊勁正不欺馳
雄有識畢萬之凡經七載動有成功李廣之善撫三軍衆皆樂用而
自擢居十乘分總六師安民而洽著休聲蕩寇而舉無遺策瞻是勲
績宜加寵榮朕以曹 奧區淮陽重鎮允謂股肱之郡實資心膂之
臣分命統臨必能惠養升大傳之位所以重其威遷特進之階所以
馭其責仍加邑賦俾耀侯藩於戲爵人于朝予用遵乎賞典受命于
廟肅宜樹彼風聲彰厥永圖以蕃王室繼隆可闕

王超加恩制

咸平二年十一月十三日 卽祀

門下朕承二聖之洪基心惟負荷舉三年之大禮志在親行升蒸壇
而享百神御層樓而宣肆赦拊賀稱慶恩焜有光曠惟肘腋之臣方
委腹心之寄特加異寵用獎殊勲忠果雄勇功臣殿前指揮使天平
軍節度鄆州管内觀察處置河堤等使特進檢校太傅使持節鄆州

諸軍事行鄆州刺史兼御史大夫上柱國瑯琊郡開國公食邑五千二百戶食實封一千六百戶王超勇可關雷威能縛虎太公韜略早通金匱之書葛亮征行自有木牛之利昨以閭閻風立太白星高當霜郊阜擊之時布雲陣魚麗之勢爾能登壇誓衆舉幟麾兵五中而萬騎爭趨再鼓而六師知止旌旗蔽野士庶榮觀朕將適行宮致齋清廟夙夜戒嚴而整肅往來翊衛以寅恭特惟乃功國有上賞適隆注意併示徽章已增奉邑之封仍益真食之數於戲中權虎旅密侍龍庭雄稜為諸將之先福祿冠重侯之右心欲小而膽欲大戰必勝而攻必取勉成熟効佐我皇家惟予功臣何假訓勵可

高瓊開府儀同三司制

門下朕當太平之運伸報本之誠謁清廟而享祖宗登紫壇而祀天地千祥萃止大慶攸宜爰均雨露之新恩用寵公侯之貴位忠果雄

勇功臣侍衛視軍步軍指揮使彰信軍節度曹州管内觀察處置等
使特進檢校太傅使持節曹州諸軍事行曹州刺史兼御史大夫上
柱國渤海郡開國公食邑四千三百戶食實封一千二百戶高瓊風
雲交感金石為心未駕廉車便擁臨戎之節自提將印亟成衛社之
勳斬馘獻俘神勇冠三軍之衆攻城略地戰檄符八陣之圖太宗委
過以非常涼德倚毗而斯至早臨代都宸志遘強軍井未成何嘗先
飲匈奴未滅不以家為鴈門之烽燧收光虎帳之威名自遠書功竹
素畫像雲臺暨再統天兵控臨河朔韓信立齊壇之上大振軍容條
侯屯細柳之營別嚴兵法今以方輦允澤再念雄風其增食米之封
史益前等之氣將令有衆上重元戎於戲職在安邊名高宿將據鞍
矍鑠當思馮拔之賢伏策麾軍更勵辛毗之德永全功烈長享崇高
可特授闕

王漢忠加恩制 同上

門下蒼壁黃琮取象以禮乎天地雲門太簇成聲而乃降神祇受釐
適及於人倫卑度是均於天下其有崆峒勇銳江漢英靈投圮橋黃
石之書遇光武赤仗之職高攀鱗翼克致天飛書功刊於柝常進
律優分於閭寄告於有位用表無私忠果雄勇功臣殿前都虞候威
塞軍節度新州管内觀察處置等使光祿大夫檢校太保使持節新
州諸軍事行新州刺史兼御史大夫上柱國琅琊郡開國公食邑二
千五百戶食實封叁百戶王漢忠敵受萬人言成三陣神功善射石
似虎以潛通高義踈財舍在橐而必散頃分朝寄久次邊庭士寒而
無恠鮮衣天雨而猶未張蓋加以伐謀制勝整暇為容祭遵每推歌
投壺羊祐常輕裘緩帶寬帷得衆猛不殘人斯為社稷之忠臣豈限
詩書之上將克貞師律鎮守北門式遏寇戎絕聞南牧烽煙罷警亭

障無虞屬茲慶賜之辰宜寵崇高之位爰因奉邑併示殊榮於戚伊
呂蕭曹孫吳衛霍皆由文武立大功名惟俊傑之用心乃古今而無
間景行先哲企而及之又何煩于我訓也可

傳潛開府儀同三司加恩制同上

門下天子六師戰士鼓熊羆之氣將軍三令陣圖分鶴鶴之形鏖威
武者乃可訓齊兼智勇者方能統御朕之上將僉謂得人忠果雄勇
功臣侍衛親軍馬步軍都虞候忠武軍節度許州管内觀察處置等
使光祿大夫檢校太傅使持節許州諸軍事行許州刺史兼御史大
夫上柱國潁川郡開國公食邑五千三百戶食實封一千肆百戶傳
潛德比藩籬忠為甲冑長風破浪多陳決勝之言駿馬如龍每勵追
奔之志蒐萬騎而軍中有禮愷連營而衆且無譁早成戡定之勲佐
我隆平之運昨以輟從左廣受寄北門以信義守疆場烽煙不動以

恩成撫吏士甘苦皆同况符衛霍之賢並合孫吳之法不矜不伐讓
諸將以分功且戰且耕務屯田而興利機宜動得武略斯全爰因類
帝之辰大洽溥天之慶宜加寵命用獎元侯多增井賦之雄更益師
壇之峻於戲料敵宜審在三思而後行用法惟明期一成而不變慎
守盤盂之戒永光帶礪之言柱列公侯長保富貴可

康保裔特進加恩制

同上

門下文言示訓通三為王者之稱列宿騰光太一乃將星之號推轂
既關於性語鑿門竹委於專征久立殊庸屬茲軍慶用獎元戎之寄
宜加異數之恩志果雄勇功臣侍衛親軍都虞侯彰國軍節度應州
管内觀察處置等使光祿大夫檢校太保使持節應州諸軍事行應
州刺史兼御史大夫上柱國諡川郡開國公食邑三千五百戶食實
封三百戶康保裔氣勁金方威宣玉塞趨捷成推於飛將機鈴早得

於神妹賈勇爭雄道左則曾攻霹靂先登駭衆城頭則立取發孤戰
爭綿麻以居多臨莅周旋而誠可政如河內今肅條侯國家方畢於
嚴裡茅土並加於霽澤況于宿舊何忘恩華既增奉邑之封仍益真
食之戶俾其優厚稱乃崇高於戲刑馬誓功誠信著于天下推牛饗
士畏後洽于軍中霍去病不以家為馬伏波老當益壯孤虛陣法更
成雁月之功鶩虎奇姿將盡凌煙之像永光信史佑我玉圖可

葛霸特進加恩制 同上

門下克昌洪緒屬車書混一之期昭祀嚴裡納宗祀無疆之慶而有
早居邊鄙久勤戎旃捍防克建於勲庸旌勸特加於命數忠果雄勇
功臣殿前都虞侯保順軍節度洮州管内觀察處置等使光祿大夫
檢校太保使持節洮州諸軍事行洮州刺史兼御史大夫上柱國琅
琊郡開國公食邑二千五百戶食實封三百戶葛霸性惟忠實氣勇

雄校早激勵於壯圖，復遭逢於先帝。擢居近衛，荐領觀風。夙朕慕臨，尤深倚注。爰誕敷於恩遇，特寵授於節旄。俾分軍旅之推，出奉疆場之寄。克負師律，善運兵鈴。遂張嶠角之威，式遏控弦之卒。方覃慶賜，宜示恩華。特加多邑之封，式耀元戎之賞。仍疏真食，兼進崇階。於戲！十乘啟行，是人臣之極。致四裔無侮，仗將帥之宣威。佩服寵光，勿忘功業。可。

高瓊檢校太尉加恩制

門下朕肅陳羽衛，親祀國邱。前則有華蓋鉤陳，後則有十乘萬騎。牲牢玉帛，助祭分命于儒官。然戈甲旌旌，警危實繫於武校。成茲大慶，宜舉新恩。忠果雄勇，功臣殿前。勅指揮使彭信、軍節度曹州管內觀察處置等使開府儀同三司檢校太傅使持節曹州諸軍事行曹州刺史兼御史大夫上柱國渤海郡開國公食邑五千七百戶食實

封一千八百戶高瓊時層風雲志如霜雪先朝驍將代即虎臣通金
匱玉版之書布龍翼烏雲之陣委之兵柄周旋能得於士心付以藩
條遠邇共欽於仁政自移左廣入典中軍北落師行人皆望蕭西山
將出敵畏強明榮褒翊戴之勳特錫履隆之命成予大禮乃時之功
是宜加掌武之官廣疏封之壤式昭異渥更錫真封於戲善則稱君
忠臣美事老當益壯前哲嘉言庶頗強飯以憂時馬援據鞍而報國
切宜師範副朕倚毗可

葛霸檢校太傅加恩判用上

門下仗旌鉞以統戎所以專其威柄盟山河而錫社所以重其侯封
矧允朝佐命之臣摠親衛騎軍之任屬因行慶允恊推恩志米稚勇
功臣侍衛親軍馬軍都指揮使感德軍節度耀州等內觀察處置等
使特進檢校太保使持節耀州諸軍事耀州刺史兼御史大夫上柱

國琅瑯郡開國公食邑四千戶食實封以百戶葛霸志厚為人英果
致用滅煙塵而誓志樂戰鬪以圖勳摧鋒陷堅不俟大黃之弩橫行
深入寧環武剛之車臥燕出守於邊城射虎氣吞於賊境乃者裡燭
展禮大駕蒸嚴整羽衛以無譁危鉤陳而尤肅大祀云畢龍澤斯行
特升為傅之資仍加食賦之秩於戲外宣師律內握兵權非宿將之
雄材豈二柄之兼授勉於訓練更愆功名副我深誠伊乃良帥可

宋朝大詔令集卷第九十七

軍職三

王超開府儀同三司檢校太尉加恩制同上

門下禮畢禮天恩軍率土伊方面專統戎之寄而山河分作翰之權
三神終大饗之儀百順均受芟之錫都虞侯天平軍節度鄆州管内
觀察處置河堤等使特進檢校太傅使持節鄆州諸軍事行鄆州刺
史兼御史大夫上柱國琅琊郡開國公食邑八千二百戶食實封二
千八百戶王超挺身將材優有戰術戮力推誠於興運一心効命於
邊庭行軍用師識孤虛之向背下營布陣辨山川之險要所至而率
多奇功久次而常聞集事偶南郊之大慶加北落之新恩進厥崇資
協於懋賞開府視三司之重掌武冠一品之尊仍益戶封并加真食
於戲忠孝為事軍之本謙恭乃行己之方苟驕侈之不萌在富貴之

長守佩茲誓訓光爾勳庸可

賁質依前河西節度侍衛親軍副都指揮使加恩制 同上

門下朕端玉珪被龍衮升恭壇之午陛接上帝於元宮祖考配天神
祇昭格予以擁鴻休於宗社予以兆景福於烝人禮畢二儀恩覃四
海內先相輔外暨師臣悉舉彝章光昭大禮具官賁質德惟持重氣
聳雄拔嘗探鬼谷之書通知秘訣不學稼公之劍自有神鋒少年為
朱郎之臣風雲佐命晚歲整廬龍之塞遠近知名洎適副吏求擢為
主帥禦衆則多多益辦畫謀則一一惟精如虎如貔共饗推財之惠
無小無大咸推殫兕之功方資沙漠宣威何止雲臺畫像是用仲明
賞典勸英雄材寵以泰官榮茲漢將加奉邑實封之戶數貴安邊拓
地之勲庸於戲利叶建侯時惟遇主常思身先士卒不以賦遺君父
念推功之諸將思無愧於古人汝惟不矜善則歸已可

劉謙加恩制

大中祥符元年正月十三日天書降

閣下朕荷高穹之降鑒垂寶錄以儲休粵以上眷之初仰膺純嘏之錫既誕彰於眷祐思大眷於策區矧惟心膂之臣方董統緒之士宜均慶旌式協徽章志果雄勇功臣殿前副都指揮使振武軍節度勝州管内觀察處置等使全氣光祿大夫檢校太保使持節勝州諸軍事行勝州刺史兼御史大夫上柱國彭城郡開國公食邑二千三百戶食實封八百戶劉謙蔚有將材允為人傑啟元戎之十乘掌天子之六師拱衛鈎陳到齊蘭騎是司禁旅實中掌權當按蹕以省巡屬鞭橐而陪從軍容自肅師律載嚴卷乃忠勤方隆倚注屬茲行慶宜示疇庸乃降命書式付寵數進功臣之懿號益并賦之真封於戲寄重爪牙任隆屏翰惟嚴明可以馭衆惟寬大可以服人勉揚竹帛之名以耀旌幢之貴服是不訓時惟欽哉可

曹琛加恩制同上

門下朕荷祖宗之丕訓獲嗣洪基受穹昊之貞符荐膺純錫是均大
春以及中區乃眷虎臣方提小士奉穆清之拱衛謹夙夜之誰何爰
當行慶之初首舉褒功之典忠果雄勇功臣侍衛親軍都指揮使天
德軍節度豐州管内觀察處置等使金穀光祿大夫檢校太保使持
節豐州諸軍事行豐州刺史兼御史大夫上柱國廣平郡開國公食
邑四千三百戶食實封六百戶曹琛神鋒峻整器宇淵深究詩禮之
格言挺公忠之亮節緇衣濟美茂宣文武之風玉帳論兵洞合孫吳
之旨而自總連營之突騎扈文戰之清塵六韋啟行唯國繫重侯之
慶八心迭警俾朕諧高枕之安細柳之令載嚴大樹之威斯著方隆
倚任宜峻寵章是用錫凌烟之名以旌茂烈增真社之數用洽湛恩
頌明制於外庾示至公於著位於戲事君之道汝備熟於前經知臣

之明子無愧於往哲勉荷殊獎勿替乃誠可

王隱加恩制 同上

門下朕纂紹玉圖撫綏中夏荷上天之垂祐錫秘籙以儲祥元文闡
清靜之宗寶曆示延鴻之祚仰膺景貺俯媿眇躬式順靈心宜敦霽
澤其有親提禁旅方踐齋壇屬當慶賜之辰遂舉褒揚之命志果雄
勇功臣侍衛親軍步軍副都指揮使保順軍節度洮州管内觀察處
置等使金紫光祿大夫檢校太保使持節洮州諸軍事洮州刺史兼
御史大夫上柱國琅琊郡開國公食邑二千八百戶王隱謀能制勝
勇號冠軍風雲自契於昌期心膺寶膺於重寄當革車順動抗十乘
以啟行泊清洛時巡率六師而景從誠堅許國志切愛君疇茲衛社
之勞允協策勳之美用均殊祉爰降明恩益其升賦之封賞以功臣
之號仍加真食併示徽章於戲舍爵疇庸邦家之茂典悉心事上臣

子之令猷勉荷寵榮更兼亮節祇戒成命勿忘訓詞可

劉謙移鎮保靜軍加恩制

大中祥符元年十一月十五日東封

門下禮崇封祀屬茂集於景祥慶洽華夷廣宣揚於休命矧十連之良帥提七萃之親兵克壯軍容允資戎重居揔干戈之衛出陳霸鞠之勞宜示明恩告諸有位忠果雄勇翊戴功臣殿前副都指揮使振武軍節度勝州管内觀察處置等使金紫光祿大夫檢校太保使持節勝州諸軍事勝州刺史兼御史大夫上柱國彭城邵國公食邑二千八百戶食實封一十戶劉謙丹心匪石勁節凌霜捷生致果之材深蘊出奇之略而自辛勤歷職慷慨論兵乘傳翼於天飛奮宏圖於海運擢司禁旅遙建藩麾茂宣十乘之威精練百金之士昨以來封喬岳夙駕皇衢專扈從於駉駉頗伸嚴於紀律帝居星拱輦路塵清獲成檢玉之儀備展陪鑿之効既旋京闕宜被絲綸是用賞衛社

之洪敷正董戎之重任國東興壞宿維近邦俾移摠於翰垣仍存加
於食賦於戲使著異教煨燿徽章爰易地以推恩表一時之殊寵爾
其務脩軍政益懋忠規秉亮節以戴君罄純誠而許國奉予宸衷光
乃節旄佩服訓言祇踐厥位可

王隱加恩制

大中祥符元年十一月十五日

門下王者升中名山所以舉元封之禮肆覲東后所以遵時邁之規
茂典克修鴻恩載洽矧乃藩衛之長實推心膂之臣屬均被於麗靈
宜首加於命數忠果雄勇翊戴功臣侍衛親軍步軍副都指揮使保
順軍節度洮州管内觀察處置等使金燕光祿大夫檢校太保持節
洮州諸軍事洮州刺史兼御史大夫上柱國琅邪郡開國公食邑三
千三百戶食實封一千戶王隱純誠匪石勁氣橫秋益命中之奇能
達治戎之善志而自符升勇爵入侍鈞陳訓練惟勤卒來以之難踰

誰何是寄單寂以之澄清時惟銜社之賢方重建牙之任今上儀克
舉大賚載周乃眷帥臣適總兵要定考司勳之策俾徵進律之文是
用甲以贊書時其茂績正中權之位號如食米之戶封載降三錫之
恩俾淮八屯之政於戲忠而能力當念克終之言位不期踰勉思受
益之訓荷茲眷遇更勵誠明勿替乃庸誕揚英烈可

曹深移鎮彰國如恩制

大中祥符元年十一月五日東封

門下王者膺圖御極所以荷宗社之景靈勒崇垂鴻所以答昊穹之
丕貺顧惟涼薄之德獲修曠絕之儀既大典以克成需鴻恩而允洽
其有早提禁旅方踐齋壇用旌翼戴之茂勳宜示使蕃之異渥忠果
雄勇羽戴功臣侍衛親軍馬軍副都指揮使天德軍節度薺州管内
觀察處置等使金戴光祿大夫檢校太保使持節薺州諸軍事薺州
刺史兼御史大夫上柱國廣平郡開國公食邑四千八百戶食實封

八百戶曹琛謙和有守況厚寡言來王常金石之心擅御教詩書之
美玉鈐金匱信謂神傳龍節虎符韋光世濟而自憂貞師口護彼塞垣
得中權後勁之謀有左馬右人之勇取衆之名夙著扞邊之功居多
逆者建以雙旌董吾萬騎謁山園於洛邑崇封祀於喬邱當和鑿辰
義之時奉心膂居留之寄而能傲巡犖較訓練統緒紀律用張里閭
自肅屬純禧之是錫在慶澤以宜均俾正名於茂庶仍易地於侯服
昨土併加於井賦拱宸益耀於勳庸是謂寵逸固無虛授於戚公侯
必復已符有後之言富貴不驕更勵若驚之志式昭前烈勉樹林聲
服我訓詞勿忘祇荷可

張吳加恩制

祥符五年十一月十一日

門下近以上靈通感吉夢開先當夕漏之未央迺雲輅之來洎述淫
源於振古貽寶訓於冲人欽聞聖言祗膺景祐非常之慶允集於皇

家進律之文宜先於漢闡乃春星藩之上將方提北落之雄師參掌
中權典司宿衛當湛恩之允洽諒成命以難稽志果雄勇功臣侍衛親
軍馬軍副都指揮使成塞軍節度新州管內觀察處置等使金戴光
祿大夫檢校太保使持節新州諸軍事新州刺史兼御史大夫上柱
國清河郡開國公食邑二千二百戶食實封四百戶張是氣稟精剛
材推間傑挺橫秋之英舉勵拱極之純誠敦閱是資致和門之輯睦
誰河匪懈增帝室之密清夙參侍於嚴宸能述宣於善志訓戎昭而
威又講兵要以彌精茲惟信臣輔予興運今以真德降格福祿來同
慶典誕敷繁禧均被疇咨賢帥首被鴻私取貴之階時升於峻品褒
功之號更益於美名仍加采邑之封式渙泥書之命是為優渥以示
便蕃於戲師帥之臣所以輔國純嘏之錫豈獨在于屬景祐之惟新
洽寵章之異數所宜體茲待遇益勵誠明懋昭永圖克荷榮獎可

王能加恩制同上

門下近以玉虛示既肇啟於靈徽馳取戒期俯臨於禁闥躬聞道誨
遜悟僊源議基緒之深長荷禎祺之疊委欽承錫羨之既誕教渙汗
之恩乃眷將匡方司戎重宜首膺於朝霈用均被於天休

侍衛親軍步軍副都指揮使振武軍節度勝州管內諸軍事勝州刺史上柱
等使金戴光祿大夫檢校太僕使持節勝州管內諸軍事勝州刺史上柱
國琅琊郡開國公食邑二千七百戶食實封四百戶王能志稟精忠
材彰毅勇著威名於一代練奇術於九功勲門素高戎昭存厥無雙
之譽罕擅於冠軍蓋瘁之誠彌彰於許國而自入參藩衛內侍凝嚴
訓簡唯精見旅賁之輯睦誰何匪懈致豪傑之肅清藩方外總於六
師貞實注懷於邦翰屬茲大慶允洽徽章是用增文散之貴階以隆
其名秩錫功臣之懿號聿示於褒稱仍增多邑之封有煥揚建之命

茲為優渥武懋勳庸於戲國之爪牙伊帥臣之為重帝錫純嘏豈朕
功之敢私惟崇獎所以勸勞惟傾輸所以荷寵勿替乃志永孚于休
可

宋朝大詔令集卷第九十八

軍職四

曹璨加恩制 同上

門下對越高真表誠明之交感軍延霈澤洽中外以咸均繫拱極之
賢侯居董戎之近衛素推勤薰宜示褒崇斯茂錫於純禧時班宣於
休命擇茲剛日錫以徽章忠米雄勇翊戴功臣殿前都指揮使保靜
軍節度宿州管内觀察處置河提等使金紫光祿大夫檢校太傅使
持節宿州諸軍事宿州刺史兼御史大夫上柱國廣平郡開國公食
邑六千戶食實封一千二百戶曹璨世濟深謀天資令德罄忠貞而
許國閱詩禮以敦風象賢不墜於家聲匪石夙堅於臣節典司禁旅
宿衛宸階屬聖祖之下臨諭靈源之濬發韋承鴻祉誕布殊恩眷言
愬衆之勞特被疇庸之典是用升之峻級增乃公田仍加奉上之誠

載益褒功之號於戲天祺紛委國慶便蕃優獎信臣朕既隆於寵數
協宣武力爾無忘於忠規更申翼佑之心以副倚毗之旨勉服箴訓
永保萬萬可

曹傑特進加恩制

大中祥符七年三月九日

門下朕昨以膺神錫之祥虔修順拜舉時巡之制俯慰與辭泊旋軫
於國陽爰潔菜於郊報鴻儀有煥厚福來同當慶賜之遂行獎勲勤
之斯在矧吾良帥恪奉嚴祠乃擇剛辰首頒明命忠果雄勇推誠翊
戴功臣殿前都指揮使保靜軍節度宿州管內觀察處置河堤等使
光祿大夫檢校太傅使持節宿州諸軍事行宿州刺史兼御史大夫
上柱國保平郡開國公食邑六千七百戶食實封一千六百戶曹傑
鼎鍾濟美象緯儲精識洞武經才推義府忠厚之誠夙著矜嚴之體
彌莊而自入衛宸居摠齊戎律中權後勁允協於師貞淑旂綏章要

膺於傲數贊上戈之遠略揚坐樹之雄名屬展事於殊庭速升禮於
吉土備參法從實冠和門夙夜傲巡無廢五中之令周全翊戴克清
九達之遠緝禮存成茂功昭著宜加襲寵式勸勞能升取責之階既
優賞典增爰田之數用壯藩庑仍併厚於真封庶特旌於懿績於戲
任隆闡及我方無怯於朝章敷載祈常爾可益修於世德當念握兵
之重勉施報國之勤期於有終佩茲多訓可

蔚昭敏移鎮充殿前副都指揮使加恩制

天禧三年七月

門下東十連節制之權統七萃紀綱之士任惟親信位處崇高當慎
擇於人賢固不輕於倚注其有謀猷允茂志烈兼資克符授鉞之求
夙被登壇之命俾選師律簡在朕心志果雄勇保順功臣侍衛親軍
馬軍副都指揮使建武軍節度邕州管内觀察處置等使金紫光祿
大夫檢校尚書左僕射使持節邕州諸軍事邕州刺史兼御史大夫

上柱國善陽郡開國公食邑三千戶食實封二百戶府昭敏銳氣無
前雄材傑出周旋致力克施馭衆之勞慷慨論兵洞曉知方之勇凌
雪霜而挺操貫金石以推誠每願奮身寧辭衽革飛榮戎秋麻職隸
門著整軍經武之能有許國忘家之志自選掄而拜將委部均以雄
邊屢易歲時符為保障會中堅而制敵禦外侮以呈才是用特改近
藩擢司禁旅肅九重之宮闕壯萬乘之威容仍示寵章併加食賦於
戲握兵符而處右宜務訓齊侍宸極以居中信持乾慎謹中嚴於戎
政思保乂於皇家永荷明恩聿遵休命可

府昭敏加恩制

北興元年二月
五口口御樓

門下朕昨以仲春戒序初吉在辰躬御端闈式率霽澤米章覬耀克
展於盛儀既施紛綸誕昭於鴻慶蒼吾良帥實典銜兵謹申令以有
方奉乘輿而匪懈宜疏寵渥式告明廷忠果雄勇保順功臣殿前副

都指揮使靜難軍節度邠州管內觀察處置等使金紫光祿大夫檢校太保使持節邠州諸軍事州刺史兼御史大夫上柱國善陽郡開國公食邑四千四百戶食實封六百戶蔚昭敏沉雄邁倫忠厚成性辭有公侯之表威惟將帥之材而自出偶亨期驟登勇爵鎮臨邊部臨全師保勝之謀拱衛宸居著警夜巡晝之績洎領蕃宣之重載揚揚旌鼓之威武是中樞叶于衆望是用荐舉疇庸之典俾從進律之文增食米之真封加褒功之美號便蕃斯在眷注彌隆於戲賞以勸能既循於成憲貴而奉上宜竭於乃心服我訓辭勉圖今問可

夏守贛加恩制 同上

門下布和行慶所以順邦常進律疇庸所以協王制仰惟聖烈逮及沖人幸蒙寓之大寧遂蒼黔之樂育思與中外群辟華夷兆民同此福禧底於仁壽乃以首春之吉易號而紀年迨茲仲月之初緩刑而

流澤春于列位霈及豈思我有帥臣用行嘉命道衛志果雄勇功臣
侍衛親軍馬軍副都指揮使河西節度涼州管内觀察處置等使全
燕光祿大夫檢校司徒使持節涼州諸軍事涼州刺史兼御史大夫
上柱國瑯琊郡開國公食邑三千四百戶食實封四百戶夏守贊忠
純秉曾勇勁知方服先訓之教志負長材而適仕統良家之六郡龍
虎載嚴莅北落之五戎翰垣斯壯爰褒武節入掌騎兵煥然七萃之
容蔚有萬天之望式臻嘉會宜享至榮增唐典之叙功益夏書之分
土於戲有國名器在賞勞而不私為王爪牙必宣力而無懈往服明
訓其惟令圖可

夏守恩進檢校司空威塞軍節度使侍衛親軍步軍副都指

揮使加恩制

乾興元年
仁宗即位

門下天地以生殖推仁后王以慶賞分化必允餘議用符至公朕獲

東詔謀嗣膺玉璣欽惟績麻之重敢忘宵衣之勤眷中外之良材任
文武之二柄咸加獎擢式勸勲勞忠果功臣殿前都虞候安遠軍節
度觀察留後金紫光祿大夫檢校禮部尚書使持節安州諸軍事安
州刺史兼御史大夫上柱國會稽郡開國公食邑三千四百戶食普
封四百戶夏守恩亮節超倫沈謀適變蘊金方之氣兆應將星得涓
水之韜學該戎略早以嘉會事於先朝扈八駿於昆臺捧大明於閩
闔屢分符榮戴掌統淋漓兼有投醪之均控弦多貫石之勇外雄北
洛資漢帝之撫和內直周廬遂文王之問寢多麻年所彌彰幹勤屬
此承詔嘉其任職特峻擁麾之拜俾兼平水之崇訓我徒兵壯于親
衛邑封民賦咸有加焉於戲王者六師蓋先於經武聖人四教莫大
於盡忠惟恭肅可以訓人惟精純可以事上往踐厥位爾其懋哉可
特授檢校司空使持節新州諸軍事新州刺史充威塞軍節度新

州管內觀察處置等使充侍衛親軍步軍副都指揮使加食邑七百戶食實封三百戶功臣散官勳封如故王者施行

蔚昭敏檢校太傅移鎮保靜軍節度殿前都指揮使如恩制

北興元年二月二十七日仁宗即位

門下王者紹承先業敷大眷於庶邦仲獎勳賢示隆恩於兵數斯為茂典可舉而行朕根以鈔沖嗣于基構載念纂圖之始宜推懋賞之文眷乃帥臣資惟舊德方司王旅用需徽章忠吳雄勇保順翊戴功臣殿前副都指揮使靜難軍節度邠州管內觀察使處置等使金裁光祿大夫檢校太保使持節邠州諸軍事邠州刺史兼御史大夫上柱國善陽郡開國公食邑五千七百戶食實封九百戶蔚昭敏岳立奇姿淵停偉量識洞鑄鈐之要學窮詩禮之言幸遊亨期早登勇爵克勵匪躬之節允懷盡敵之謀爰自先朝存膺隆獎樹風聲於藩翰

總師津於禁營東王常金石之心精忠克幼冠祈父爪牙之任善志
彌遠授將鉞以增雄衛宸后而載肅訓齊重平厥有成勳屬治政之
云初顏念勞而加等惟符離之真壤實近輔之名邦易以度幢委之
節制俾兼榮於帝傳仍總統於戎昭復益爰田載優真賦於戲加地
進津予方示於報功經武整軍爾無忘於國事勗茲多訓以保令猷
可特授檢校太傅使持節宿州諸軍事宿州刺史兼御史大夫充保
靜軍節度宿州管內觀察處置河堤等使充殿前都指揮使加食邑
七百戶食實封三百戶功臣散官勳封如故主者施行

制
王守斌檢校太保移鎮感德軍侍衛親軍馬軍都指揮使加恩

門下國家設禁衛之軍所以崇乎武備命良能之帥所以式是戎昭
眷其勳舊之臣克勵靖恭之節洪惟聖考夙簡清表屬當憑几之辰

嘗參文戰之地共推眇質獲奉慶基言念乃勞豈忘懋賞擇茲剛日
幸降命書忠果雄勇宣力翊戴功臣侍衛親軍馮軍副都指揮使河
西軍節度涼州管內觀察處置等使金戴光祿大夫檢校司徒使持
節涼州諸軍事涼州刺史兼御史大夫上柱國琅邪郡開國公食邑
四千一百戶食實封七百戶王守斌徽清儲靈星辰稟粹矜嚴成質
果敢馳稱早探黃石之書洞穴穰苴之法而自升名勇爵列職和門
出投塞垣樹風聲而載遠入司禁旅謹甲令以惟懃戴君之節彌彰
取衆之材斯見蔚為邦彥茂著時名頗聽政之云初諒推恩而惟允
是用授其將鉞俾渙於侯藩正彼使名用嚴於師律仍兼榮於帝保
且加賦於井田復益真封併隆異數於戲處萬夫之長董七萃之徒倚
任非輕寵光亦至勉圖報効服我訓詞可特授檢校太保使持節耀
州諸軍事耀州刺史兼御史大夫充感德軍節度擢州管內觀察處

置等使充侍衛親軍馬軍都指揮使加食邑七百戶食實封三百戶
功臣散官勳封如故主者施行

夏守恩加恩制

乾興元年十一月十七日山陵畢

門下朕恭循典禮崇樹寢園以龜洛之奧區乃栢城之舊域就占吉
壤果叶詢謀特時親衛之臣徃徃方中之役因山有制同軌畢臻襄
事克成念勞斯在用符敕旦昭示寵章忠果功臣侍衛親軍步
軍副都指揮使威塞軍節度新州管内觀察處置等使金紫光祿大
夫檢校司空使持節新州諸軍事新州刺史兼御史大夫上柱國會
稽郡開國公食邑四千一百戶食實封五百戶夏守恩頃事先期實送
嘉會忠而好禮庶以飭身備繁使以彰能徇前規而戮力統如貌之
衆來護容清也貫石之師外臨厥落迄持戎鉞尚帥軍和自遠之戒期
俾輅車而藏職訓齊仕伍嚴飭隨封人不告疲令無愆素表軒臺之

宋史卷九十八
可畏成里陌之永安嘉乃盡心協予迨孝是用爰田併啟真食驟加
降綸璽以揚廷叶第圭而進律於戲國有明賞時惟存功誕告群倫
並無虛校欽服茲命永懷令圖可

宋朝大詔令集卷第九十八

宋朝大詔令集卷第九十九

軍職五

敕帥王守斌罷軍職移鎮如恩制

天聖二年十一月二十七日

門下師帥之匠心贊效屬奇深宿衛則留制八七禮緝優賢則性聲
十乘式示均勞之旨爰稽易地之文用獎老成載頌渥命忠果雄勇
宣力翊戴功臣殿前都指揮使感德軍節度耀州管内觀察處置等
使光祿大夫檢校太保使持節耀州諸軍事行耀州刺史兼御史大
夫上柱國琅琊郡開國公食邑六千五百戶食實封一千六百戶王
守斌誠明許國方略傳家獨傑言兵早擅無雙之譽周旋好禮克彰
不伐之風而自董率天營拱侍宸極抗元候之大旆冠上將之經蹕
每徼巡於殿中亦專制於闈外朝廷愛子顏之謹羨落懷張與之清
軍政戒修藩垣倚重由奉公而盡瘁久賜告以頤神聿籍威名尚期

臥復而懇辭戎柄累上奏函仄席之心確乎難奪金革之事誠以重
煩惟具邱之與區實葉北之雄屏換其節制遂乃謙沖仍升馭貴之
階併錫陪封之邑思勤載篤褒眷攸申於茲偃息而為國藩允實鎮
靖愷悌而綏福履乃保燕寧惟簡厚可以化民惟肅恭可以守位服
茲寵數以永令猷可特授特進依前檢校太保持節貝州諸軍事行
貝州刺史兼御史大夫充永清軍節度貝州管內觀察處置等使加
食邑七百戶食實封貳百戶功臣勳封如故

楊崇勳建節殿前副都指揮使制 同前

內訶禁旅所以任王之爪牙外長藩封所以為國之垣翰其有風懷
勁節茂著嘉庸博探軍制之經洞習和門之政是宜付之齋鉞陟以
將壇率彼寢戈以冠親衛叶于公論中錫贊忠果雄勇功臣侍衛
親軍馬軍副都指揮使彰德軍節度留後金紫光祿大夫檢校司徒

持節相州諸軍事相州刺史兼御史大夫上柱國宏農郡開國公食
邑五千戶食實封八百戶楊崇勳氣稟溫嚴材推傑俊激昂自許尤
尚於功名沈毅有謀深明於輜略久服近擬之侍載綏密甸之邦志
彌勅於公忠勲周渝於德禮間者疇共宿望保亞中堅握西馬之瑞
璋出分方面提羽林之毅騎入棲宸居張武備於星藩震威聲於柳
壁會茲謀帥爰用建侯擢升節制之權首布誰何之令訓七萃如繞
之勇增千慮文戰之嚴武厚倚毗載優等數於戚方叔之猶克壯乃
抱師于郟穀之學彌惇是禩義府祇膺茂寵緬鑒前良勤宣令圖益
保休譽可特授特進檢校司徒使節勝州諸軍事勝州刺史兼御史
大夫充振武軍節度勝州管内觀察處置等使殿前副都指揮使
加食邑七百戶食實封貳百戶功臣散官勳封如故

彭壽建節侍衛馬軍副都指揮使制同前

東宮授節式宣外間之威蘭騎司兵載纘中權之政處十乘元戎之
貴應二藩列將之權聿圖衛社之勲爰寵登壇之拜伴選帥領仍履
方隅在詢衆以僉同乃挺廷而敷告保順忠果雄勇功臣侍衛親軍
步軍都指揮使建雄軍節度觀察留後金紫光祿大夫檢校尚書左
僕射使持節晉州諸軍事晉州刺史兼御史大夫上柱國宜春郡開
國公食邑三千六百戶食實封壹千戶彭睿襟室美廓材氣沈雄蓋
忠德以自將偶亨辰而致用爰自董率材官之旅周旋巖陞之間挾
較宣勁越亭賈勇歷更武爵遂建使旗洎於掌於戎昭亦存臨於邊
面羊羹均享虎落沈氛桃李之信克彰椒蘭之譽益塞允升近衛乃
訓烝徒聽申令以推明奉警巡而增肅載深親倚用示甄酬惣萬騎
於連營擁雙旌於列鎮資于謹質申調擬嚴仍進重封併推茂獎於
威德刑具舉惠史述大善經惠直兼資周詩美其良翰懋講整軍之

要鑿翰奉上之誠欽服訓言以對休命可特授依前檢校尚書右僕射使持節洮州諸軍事洮州刺史兼御史大夫充保順軍節度洮州管内觀察處置等使侍衛親軍馬軍副都指揮使加食邑七百戶食實封二百戶功臣散官勳封如故

夏守贇建節侍衛步軍副都指揮使同前

王者制軍之宜載崇於藩衛命帥之重必擇於仁賢况乎分二廣以奉宸長十連而觀政師門進律戎東宣風養言勳舊之臣早居親信之地甄升斯允獎渥惟行忠果雄勇功臣殿前都虞侯保信軍節度觀祭留後金紫光祿大夫檢校尚書右僕射持節廣州諸軍事盛州刺史兼御史大夫上柱國會稽郡開國公食邑三千九百戶食實封八百戶夏守贇方厚存誠精剛稟質材謀特立義勇兼闡自奮迹以宿官乃首公而宣力聲猷茂治志節彌堅爰資馭衆之能亟佐濟戎

之任惟太原勁兵之處泊常山臨代之衝捍蔽心師時惟困圍是用
時資明効時被罷章樹長毒以前驅遠臨外屏統旅賁而參侍近冠
中軍增衍食以兼優表注懷而斯厚於戲風雲之會叶于戴逢辰
兄弟之華美一門之競爽而爾之伯氏同邁昌期既迭處於五營漢
對折於雙節非常之寵當世鮮偕爾其威命殊榮傾輸素蘊屬直躬
而慎禮謀善志以知方懋昭厥庸無忝我至公之舉可特授依前檢
校尚書右僕射使持節邕州諸軍事邕州刺史兼御史大夫充建武
軍節度邕州管内觀察處置等使侍衛親軍步軍副都指揮使加食
邑七百戶食實封二百戶功臣散官勅封如故仍放朝謝

彭康移鎮進侍衛馬軍都指揮使制

志而能力允濟於事經賞不踰時式中於國典眷言良帥摠治洪津
既績用之有成在寵章而何愆保順忠果雄勇功臣侍衛親軍馬軍

副都指揮使保順軍節度洮州管內觀察處置等使金紫光祿大夫檢校尚書左僕射使持節洮州諸軍事洮州刺史兼御史大夫上柱國宜春郡開國公食邑四千三百戶食實封壹千貳百戶懿虜風懷勁氣深練祕矜外分將鉞之權中講軍紀之政威名克著謹信勿渝屬以白馬之區金堤久潰圖下留而完塞資握節以統臨役鼓觀功親程於衆力安瀾順道亟復於舊川酌素慮以不忘屹巨防而永固寔繫武幹乃集勤庸是用擇夏口之名落換具六齋頒司勳之永地益以重到載洽朝恩愈光戎壘於戲懋功之舉蓋勉于有勞論報之方益思於匪懈荷茲獎命函宜欽哉可特授依前檢校尚書左僕射使持節都督鄂州諸軍事鄂州刺史兼御史大夫充武昌軍節度鄂州管內觀察處置等使侍衛親軍馬軍都指揮使加食邑七百戶食實封貳百戶功臣散官勳封如故

夏守贊加恩制即記

告土正謀致颺烟於太乙端闈出令浹染汙于庶邦蓋以荷神祐之
眷懷昭既施之浹洽矧在握兵之任宜酬庖澤之勞進律是先懋功
斯允忠果雄勇功臣侍衛親軍步軍副都指揮使建武軍節度邕州
管内觀察處置等使金紫光祿大夫檢校尚書右僕射使持節邕州
諸軍事邕州刺史兼御史大夫上柱國會稽郡開國公食邑四千六
百戶食實封壹千戶夏守贊城存志愨器蘊深和早道遇于光華函
騰凌于祕近牙璋莅衆鉞登壇綏列陣以安安訓徒兵而輯睦鶴
原繼美鳧藻均歡一昨陪侍禮郊董司離駟威容運威翊齊駘以無
詳晨夕警嚴護帷宮而載肅信臣攸賴勳策用彰俾增厚於轄田仍
真封于井賦賁茲忠力嘉以榮名式壯戎昭良為慶典於戲罷祿是
荷保其位者惟養軍政所觀循其言而在德益思祇恪以答褒嘉可

特授依前檢校尚書右僕射使持節邕州諸軍事邕州刺史兼御史大夫充建武軍節度邕州管内觀察處置等使侍衛親軍步軍副都指揮使加食邑七百戶食實封三百戶仍賜志果雄勇宣力功臣散官勳封如故

楊崇勳加恩制 天聖六年

門下國家候日至之元辰長國陽之大禘旋銜毀觀宇舞萬邦示福賜之薄均與匠工而胥賴矧惟良帥實危清塵書勳策而可稽非寵章而惟允具官某夙懷忠德緝蘊壯猷探軍志以惟精服官箴而多裕早由榮會麻侍近墀出宣廉部之風入簡期門之政乃司羽騎遊直巖除應太微二將之躔處都督萬人之長訓齊增肅親倚允深比者祇饗郊宮爰經信次星槍組甲提七萃以奉車皇御旌門擁八屯而戒夜勤庸克茂圖政攸先是用增麟閣之美名貴其誠効益爰田

之多賦陪以真封詔告外朝併申嘉命於戲因文事而陳武備克輯於帝容行慶賞以勸勞臣式昭於國典荷茲密渥勵乃深衷勤思善經無忘恪位可

夏守舊移鎮殿前都指揮使加恩制

明道元年十一月

門下奉天地者以德則來輔守宗祏者以悖則敗親朕以四海之同文丁千齡之華且因上帝之申儆屬新宮之並成賚及萬邦改于元厯且以將帥之長實有宿衛之勤增授殿官以勤事上澤茲剛日告于明庭忠果雄勇宣力保順功臣殿前副都指揮使保大軍節度鄜州管内觀察處置等使金紫光祿大夫檢校司空持節鄜州諸軍事鄜州刺史兼御史大夫上柱國會稽郡開國公食邑八十一百戶食實封二千二百戶夏守舊練達韜鈴敦閱詩禮早崇秩序亟涉歲時亦嘗仗節而乘邊必先諸將而料敵忠謹可尚進止有儀達司蘭荷

之師能遵司馬之法戎章武過軍政無諱訪之和門謂為良率今者
冬官藏事賴爾董護之勤禮卿繕儀賓乃警巡之効致中外之輯睦
諒夙夜以勤勞是因舍爵之初覃及策勲之命殿陛劇委韓奕名區
加以五教之榮升之文戟之衛戶封真賦併以為優推此寵章舉以
疇爾於戲止戈為武誠及於時平惟及與名允無於虛授祇服休渥
永保令猷可

高繼勳檢校尚書右僕射昭信軍節度仍舊軍職加恩制

元年十月
御樓

門下國家以宮寢落成國容斯舉昭謝天地祇見祖宗建號紀元式
布惟新之令均禧及物普行大賚之恩乃眷帥臣特頒渥典衛聖忠
果功臣侍衛親軍馬步副都指揮使保順軍節度洮州管內觀察處
置等使金紫光祿大夫檢校戶部尚書使持節洮州諸軍事洮州刺

史兼御史大夫上柱國渤海郡開國公食邑五十一百戶食實封八
百戶高繼勳忠純夙京幹勇兼資早列職於近墀亞効能於煩使入
提禁旅出撫邊城備彰經武之才克著訓戎之略洎領齊壇之鉞仍
司蘭斛之兵籍乃腹心鎮於方面恩威克濟紀律有嚴屬茲羣需之
初宜殫懋功之賞撫南康之巨屏視端揆之崇資載益戶封併申徽
歎於戲荷駭鴻之福恩爰洽於寵靈盡俯樓之恭分勿忘於典訓祇
服玉命以保令猷可